

թխտով թէ իմ մարդն էք պահում՝ շուտ մեզի ճանապարհ տուին, ձիաւոր դրին մեզ հետ, Թաթարին չօլովն ողորկեցին դէպի Մօսքով: Գ [3] ամիս Ժ [10] օրումն հասանք Լէհաց թագաւորին աթոռն, որ է Վարշաւ, փետրովարի ԺԵ, թագաւորն տեսանք, մեզ լաւ ընկալաւ, Աստուած թողու շուտ յեղ կողորկէ: Մեք որ այս բանիս վերա[յ] էաք՝ չկարողացաք գալ Սուրբ Հօր ոտն համբուրիլ եւ մեր հնազանգութիւնն տեղ կատարել եւ ձեր հրամանոց Սուրբ Աջն համբուրել: Վասն որո[յ] հարկ ելաւ մեզ առաքել Սուրբ Աթոռն // վասն այն հնազանդութեանն, որ պահեալ կայ ի նախնեաց իմոց անապական մինչեւ ցայսօր: Ընտրեցի ես պատրի Մատաթայն Մուրատչեցի, որ է մեր որդի, Սուրբ Աթոռն առաքեցի, որ լնու զմեր պակասութիւնն. Աստուծոյ սիրուն համար մեր պակասութեանս թողութիւն շնորհեցէք. բազում անգամ գրել իմ ձեր հրամանոցն՝ ըսկի պատասխան չէ եկեալ մեզ: Զեր սուրբ օրհնանքն մեզնից պակաս չանէք: Վասն անուանն Յիսուսի Քրիստոսի տէր Մաթատին բանն շուտ տեսէք, հետ տէր Զվան Դօմինիկոսին առաքեցէք: Իմ խնդիրքս այն ձեր հրամանոց ան է, որ էս աղքատ կործանեալ եկեղեցոցս մին լաւ ողորմութիւն առաքեցէք, որ վերստին կաման Աստուծոյ նորոգեցի եւ գերիքն ազատեցի եւ այլն պատրի Մաթատէն կարգաւ պատմեցէ ձեզ, զոր մեք հրամանք տուինք բերանով ձեզ պատմել. զոր Աստուած երկայնակեաց պահեցէ զձեզ ամէն. ողջ լերուք ի տէր:

Գրեցաւ ի Վարշաւ քաղաքն թվին ՌՌԼԷ [1637]. փետրովարի ԻԷ [27]. գրողս ձեզ աղօթող եւ ծառա[յ]:

Humile servo di reverendisimi

Fra Augustino Arciuescouo di Naxiuan.

[SOOG, vol. 180, ff. 277rv. Բնագիր:

Իտալերէն թարգմանութիւնը տես՝ նոյն տեղում, f. 276rv+279r]: